



Kakanj, 28.06. 2024. godine.
Broj: 01/D-01-43-6665 /24

Na osnovu člana 48. Statuta Rudnika mrkog uglja "Kakanj" d.o.o. -Kakanj i člana 69. stav 2. tačka d) nijedna od primljenih ponuda nije prihvatljiva i Preporuke Komisije za javnu nabavku broj: 599-06/24 od 26.06.2024. godine, po otvorenom postupku (OP: 06/24 - Nabavka usluga periodičnih kontrolnih pregleda i servisa dizel lokomotiva proizvođača CZ LOKO), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14, 47/14, 59/22), v.d. Direktor Iso Delibašić, dipl.ecc., dipl.ing.donio je

ODLUKU
o poništenju postupka javne nabavke OP 06/24
Nabavka usluga periodičnih kontrolnih pregleda i
servisa dizel lokomotiva proizvođača CZ LOKO

Član 1.

Poništava se postupak javne nabavke broj: OP 06/24 - Nabavka usluga periodičnih kontrolnih pregleda i servisa dizel lokomotiva proizvođača CZ LOKO iz razloga što nijedna od primljenih ponuda nije prihvatljiva, što je u skladu sa članom član 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Komercijalna služba RMU „Kakanj“ d.o.o.- Kakanj.

Član 3.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka se dostavlja svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-1856/24 od 21.02.2024.godine.
Procijenjena vrijednost javne nabavke bez PDV-a je 70.000,00 KM.

Obavijest o nabavci broj: 967-1-2-64-3-98/24 poslana je na objavu dana 13.03.2024.godine, a isti dan je i objavljena na Portalu javnih nabavki.

Zapisnik o ocjeni ponuda

Komisija za javnu nabavku je dana 25.06.2024.godine sačinila Zapisnik o ocjeni ponuda broj: 597-06/24 i Preporuku o poništenju broj: 599-06/24 od 26.06.2024.godine u postupku javne nabavke usluga – Nabavka usluga periodičnih kontrolnih pregleda i servisa dizel lokomotiva proizvođača CZ LOKO.

Obezbjeđena sredstva za predmetnu nabavku, tačka 1.5. Tenderske dokumentacije:

Procijenjena vrijednost javne nabavke (bez uključenog PDV): 70.000,00 KM

Obezbjeđena sredstva: 70.000,00 KM bez PDV-a.

Komisija Ugovornog organa je izvršila provjeru ispravnosti ukupno ponuđenih cijena po stavkama i ukupno ponuđene cijene iz Obrasca za cijenu ponude, a sve u skladu sa ponuđenim jediničnim cijenama iz Obrasca za cijenu ponude.

Nakon što je Komisija Ugovornog organa izvršila provjeru ponuđenih ukupnih cijena iz Obrasca za cijenu ponude utvrdila je kako slijedi:

Provjera ukupno ponuđenih cijena ponuđača "BES COMPANY" d.o.o. Sarajevo.

Ugovorni organ uputio je dopis broj: 515-06/24 od 03.06.2024. godine ponuđaču "BES COMPANY" d.o.o. Sarajevo, kojim je utvrđeno prilikom provjere izračuna proizvoda količine predmeta nabavke po stavkama i ponuđene jedinične cijene po stavkama, utvrđeno je da za stavku 2 – Periodični kontrolni pregled lokomotive 724.720 nije tačno upisan proizvod količine i ponuđene jedinične cijene KM bez PDV-a, te se ne slaže ukupno ponuđena cijena KM bez PDV-a za postupak nabavke, odnosno iznos KM bez PDV-a i ukupno ponuđena cijena KM sa PDV-om.

Naime, nakon što se izvrši zbrajanje ukupno ponuđenih cijena KM bez PDV-a po stavkama utvrđena je nova ukupno ponuđena cijena ponude kako slijedi:

UKUPNA CIJENA <u>BEZ</u> PDV-a(izražena u KM):	62.000,00
POPUST %	0,00
UKUPNA CIJENA SA POPUSTOM (izražena u KM)	62.000,00
IZNOS PDV-a (17%)(izražena u KM)	10.540,00
UKUPNA CIJENA <u>SA</u> PDV-om(izražena u KM):	72.540,00

Ponuđač "BES COMPANY" d.o.o. Sarajevo je svojim dopisom od 03.06.2024. godine prihvatio novi izračun ukupno ponuđene cijene izražene u KM bez PDV-a.

Pregled ponuđenih ukupnih cijena nakon provjere računске ispravnosti ponude:

	Naziv / ime ponuđača	Ponuđena cijena (bez PDV-a)
1.	"NV-INVEST" d.o.o. Sarajevo	70.000,00 KM
2.	"BES COMPANY" d.o.o. Sarajevo	62.000,00 KM

Ukupno ponuđene cijene ponuđača u okviru obezbjeđenih sredstava tačka 1.5. Tenderske dokumentacije: (DA/NE)

	Naziv / ime ponuđača	Ponuđena cijena (bez PDV-a) u okviru obezbjeđenih sredstva/procjenjena vrijednost nabavke (DA/NE)
1.	"NV-INVEST" d.o.o. Sarajevo	DA
2.	"BES COMPANY" d.o.o. Sarajevo	DA

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2),
- da su blagovremeno zaprimljene dvije (2) ponude,
- da nije bilo neblagovremeno zaprimljenih ponuda,
- da ponude ponuđača „NV-INVEST“ d.o.o. Sarajevo i „BES COMPANY“ d.o.o. Sarajevo nisu prihvatljive.

Ponuda ponuđača „NV-INVEST“ d.o.o. Sarajevo je nepravilna iz slijedećeg razloga:

3.2. Ostali uslovi za kvalifikaciju

Tačkom 3.2. Ostali uslovi za kvalifikaciju, Ugovorni organ je propisao uslove koje ponuđači moraju ispuniti u smislu tehničke i profesionalne sposobnosti.

Dokazi koji se zahtijevaju u cilju ocjene tehničke i profesionalne sposobnosti ponuđača, dostavljaju se u originalu ili u kopiji ovjerenoj od nadležnog organa.

Što se tiče tehničke i profesionalne sposobnosti, ponuđači trebaju ispuniti slijedeće minimalne uslove:

Član 50. tačka b) Zakona o javnim nabavkama

- a) Obrazovna i profesionalna kvalificiranost ponuđača za obavljanje poslova servisa i popravki dizel lokomotiva.

Ocjena tehničke i profesionalne sposobnosti ponuđača će se izvršiti na osnovu slijedećih izjava i dokumenata koje dostave ponuđači:

- a) Izjava ponuđača da ima na raspolaganju stručno osposobljena lica za obavljanje poslova servisa i popravki dizel lokomotiva, sa navedenim imenima lica koja će obavljati navedene usluge.

****Uz izjavu iz prethodne tačke ponuđač je u ponudi obavezan dostaviti dokaz u vidu certifikata, potvrde, uvjerenja ili drugog dokumenta da su navedena lica osposobljena za izvođenje predmetnih usluga. (original ili ovjerena kopija)**

Zahtjev iz tačke 3.2. Tenderske dokumentacije koji su ponuđači bili u obavezi da ispune, a odnosi se na stručno osposobljena lica za obavljanje usluge, je usko povezan sa zahtjevom iz Aneksa 6 – Tehnička specifikacija koji se odnosi na slijedeće:

3. Ostali uslovi i zahtjevi naručioca:

- 3.1. Periodične kontrolne preglede, vanredne servise i popravke predmetnih lokomotiva mogu vršiti samo ovlaštena stručno osposobljena lica, koja posjeduju pismene potvrde o osposobljenosti za izvođenje predmetnih radova, potrebne alate i sredstva za rad i poznaju propise koji definišu održavanje i popravke šinskih vučnih vozila.

4. Dokumentacija koju je potrebno dostaviti u svrhu dokazivanja tehničkih zahtjeva i ponuđenih usluga

- 2. Ponuđač je dužan u ponudi dostaviti pismene potvrde o osposobljenosti stručnih lica za održavanje vozila ove vrste (šinska vučna vozila).

** Uvidom u ponudu ponuđača „NV-INVEST“ d.o.o. Sarajevo komisija je konstatovala slijedeće:

- Ponuđač „NV-INVEST“ d.o.o. Sarajevo je u svojoj ponudi dostavio Izjavu kojom izjavljuje da u prilogu dostavlja potvrde o osposobljenosti stručnih lica za održavanje šinskih vučnih vozila.

Zatim, ponuđač „NV-INVEST“ d.o.o. Sarajevo je također dostavio Izjavu kojom izjavljuje da ima na raspolaganju stručno osposobljena lica za obavljanje poslova servisa i popravki dizel lokomotiva, proizvođača CZ LOKO serije 724.720 i 797.824, te je u Izjavi naveo njihova imena i napomenu da će za obavljanje poslova servisa i popravki dizel lokomotiva proizvođača CZ LOKO biti angažovana firma „ŠINVOZ“ d.o.o. Zrenjanin.

U ponudi je ponuđač „NV-INVEST“ d.o.o. Sarajevo dostavio i potvrdu firme „ŠINVOZ“ d.o.o. Zrenjanin s kojom ima namjeru vršiti podugovaranje, u kojoj su navedena lica koja će obavljati predmetnu uslugu, tj. periodične kontrolne preglede i servis dizel lokomotiva proizvođača CZ LOKO.

Nesporno je da je ponuđač „NV-INVEST“ d.o.o. Sarajevo u svojoj ponudi dostavio navedene Izjave, no međutim nije dostavio dokaz u vidu certifikata, potvrde, uvjerenja ili drugog dokumenta da su navedena lica osposobljena za izvođenje predmetnih usluga (original ili ovjerena kopija), a što je bio u obavezi da dostavi u skladu sa tačkom 3.2. Tenderske dokumentacije.

Također je u Aneksu 6 – Tehnička specifikacija, preciznije u tačkama 3.1. i 4.2. od ponuđača zahtijevano da u svojoj ponudi dostave dokaze da imaju stručno osposobljena lica koja posjeduju pismene potvrde o osposobljenosti stručnih lica za održavanje vozila ove vrste (šinska vučna vozila) i poznaju propise koji definišu održavanje i popravke šinskih vučnih vozila.

Ponuđač „NV-INVEST“ d.o.o. Sarajevo u svojoj ponudi nije dostavio dokaze kojim potvrđuje da su lica navedena u izjavama stručno osposobljena za vršenje predmetne usluge.

Nadalje, sve radove periodičnih kontrolnih pregleda i servisiranja je potrebno vršiti prema Uputstvima proizvođača lokomotiva CZ LOKO serije 724.720 i 797.824 (Aneks 6 – Tehnička specifikacija, Tačka 2.2.)

U priloženom Rješenju firme „ŠINVOZ“ d.o.o. Zrenjanin o izdavanju certifikata o ispunjenosti uslova za radionicu za održavanje željezničkih vozila, u Tački 2., navedeni su tipovi željezničkih vozila na koje se odnosi ovo Rješenje. Među nabrojanim željezničkim vozilima nisu lokomotive tipa i serije 724.720 i 797.824, koje posjeduje Ugovorni organ.

Na osnovu naprijed iznesenog ponuda ponuđača „NV-INVEST“ d.o.o. Sarajevo je ocijenjena kao nepravilna.

Ponuda ponuđača „BES COMPANY“ d.o.o. Sarajevo je nepravilna iz slijedećeg razloga:

3.2. Ostali uslovi za kvalifikaciju

Dokazi koji se zahtijevaju u cilju ocjene tehničke i profesionalne sposobnosti ponuđača, dostavljaju se u originalu ili u kopiji ovjerenoj od nadležnog organa.

Tačkom 3.2. Ostali uslovi za kvalifikaciju, Ugovorni organ je propisao na koji način se dostavljaju dokazi u smislu ispunjavanja uslova, ukoliko ponudu dostavlja grupa ponuđača.

U slučaju da zahtjeve dostavljaju grupe ponuđača, ugovorni organ će prilikom ocjene stepena u kojem su ispunjeni kriteriji utvrđeni u tenderskoj dokumentaciji uzeti u obzir ekonomsko i finansijsko stanje, kvalifikacije i tehničku i profesionalnu sposobnost članova grupe ponuđača. Stoga, članovi grupe ponuđača mogu dostaviti jedan paket dokumenata koji se odnose na uslove ekonomskog i finansijskog stanja ponuđača, odnosno tehničke i profesionalne sposobnosti ponuđača.

Dokazi koji se odnose na ličnu sposobnost ponuđača, odnosno dokaze koji se odnose na sposobnost obavljanja profesionalne djelatnosti (Izjava o ispunjenosti uslova po osnovu člana 45. Zakona, Aktuelni izvod iz sudskog registra ili Rješenje nadležnog organa općinske uprave o odobravanju obavljanja profesionalne djelatnosti, Pismena izjava iz člana 52. Zakona o javnim nabavkama) moraju se posebno pripremiti za svakog člana grupe ponuđača. U slučaju da ponude dostavlja grupa ponuđača uz ponudu je obavezan dostaviti ugovor o zajedničkom nastupanju (ugovor o konzorciju).

Ponuda će biti odbijena u slučaju da ponuđač propusti da dostavi sve materijalne dokaze i dokumentaciju zahtijevanu tenderskom dokumentacijom ili dostavi pogrešne informacije.

** Uvidom u ponudu ponuđača „BES COMPANY“ d.o.o. Sarajevo komisija je konstatovala slijedeće:

- Ponuđač „BES COMPANY“ d.o.o. Sarajevo u postupku nabavke - nabavka usluga periodičnih kontrolnih pregleda i servisa dizel lokomotiva proizvođača CZ LOKO učestvuje kao grupa ponuđača – konzorcij sa firmom „RAILTRADING“ s.r.o. Nehvizdy. Prema Ugovoru o konzorcijalnom nastupu broj: 12/2024 od 12.05.2024. godine, ponuđač „BES COMPANY“ d.o.o. Sarajevo je određen kao Lider konzorcija, dok je „RAILTRADING“ s.r.o. Nehvizdy određen kao Član konzorcija.

Nadalje, uvidom u ponudu ponuđača „BES COMPANY“ d.o.o. Sarajevo je ustanovljeno da firma „RAILTRADING“ s.r.o. Nehvizdy nije dostavila dokumentaciju koju je bila u obavezi da dostavi.

Radi se o slijedećoj dokumentaciji:

Dokazi koji se odnose na ličnu sposobnost ponuđača, odnosno dokazi koji se odnose na sposobnost obavljanja profesionalne djelatnosti (Izjava o ispunjenosti uslova po osnovu člana 45. Zakona, Aktuelni izvod iz sudskog registra ili Rješenje nadležnog organa općinske uprave o odobravanju obavljanja profesionalne djelatnosti, Pismena izjava iz člana 52. Zakona o javnim nabavkama).

Navedena dokumentacija se mora posebno dostaviti za svakog člana grupe ponuđača.

4.1. Sadržaj ponude i način pripreme ponude

Tačkom 4.1. Tenderske dokumentacije je određeno na koji način se mogu izvršiti ispravke u ponudi, ako postoji potreba za ispravkama po bilo kom osnovu u ponudi.

Ispravke u ponudi moraju biti izrađene na način da su vidljive i potvrđene potpisom ponuđača i pečatom, uz navođenje datuma ispravke, odnosno ispravke moraju biti vidljive, ne smiju se raditi korektorom, korekturnom trakom i drugim korektivnim priborom.

Ispravke vršiti na sljedeći način: neizbrisivom tintom, jednom linijom precrtati broj ili tekst koji se ispravlja, pored koga izvršiti novi upis, potpis ponuđača, pečat i datum ispravke (npr. ~~29,81~~ novi upis 29,18; potpis ponuđača, pečat i datum ispravke), u suprotnom ponuda će biti odbijena.

**Uvidom u ponudu ponuđača „BES COMPANY“ d.o.o. Sarajevo, konstatovano je da je ponuđač u svojoj ponudi vršio određenu izmjenu, ali ne na način na koji je dozvoljeno vršenje izmjene ponude.

Naime, ponuđač je izvršio ispravku brojeva stranica u Nacrtu ugovora na način da je precrtao stari broj stranice, upisao novi broj stranice, potpisao izmjenu i potvrdio pečatom, ali nije naveo datum izmjene, odnosno ispravke brojeva stranica.

Tačkom 4.1. Tenderske dokumentacije je navedeno da će, ukoliko ponuđač ne izvrši ispravku ponude na način na koji je samo vršenje ispravke opisano tačkom 4.1. Tenderske dokumentacije, ista biti odbijena.

Na osnovu naprijed iznesenog ponuda ponuđača“ BES COMPANY“ d.o.o. Sarajevo je ocijenjena kao nepravilna.

Činjenično stanje je konstatovano u Zapisniku o ocjeni ponuda broj: 597-06/24 od 25.06.2024.godine koji je sastavni izvještaja.

Primjena preferencijalnog tretmana domaćeg

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine („Službeni glasnik BiH“ broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

Provođenje E-aukcije

Ugovorni organ je tačkom 4.6. Tenderske dokumentacije predvidio provođenje e-aukcije u predmetnom postupku u skladu sa Pravilnikom o uslovima i načinu korištenja e-aukcije.

Međutim, obzirom da se nisu stekli uslovi za provođenje e-aukcije, ista nije zakazana.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.


U postupku ocjene provedenog postupka, Direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka - Nabavka usluga periodičnih kontrolnih pregleda i servisa dizel lokomotiva proizvođača CZ LOKO javne nabavke data u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 69. stava (2) tačka d) Zakona o javnim nabavkama, odlučeno je kao u dispozitivu.


Pouka o pravnom lijeku: Protiv ove odluke može se izjaviti žalba Uredu za razmatranje žalbi putem Rudnika mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist


Nedim Fejzić, dipl.el.ing.



v.d. Direktor


Iso Delibašić, dipl.ecc.

Dostavljeno:

1x Direktor

1x Učesnici u postupku javne nabavke

1x a/a